

Virtutis Solidæ Præcipua Impedimenta, Subsidia, Et Incitamenta

Commentationibus Illustrata, Omnium Usui Aptatis. Quæ Servire Insuper
Poterunt Pro Argumento Concionum: Uti Et Considerationum Tempore
Exercitiorum; præsertim verò pro gemino sacræ collectionis triduo; prout
ex subjectis hunc in finem elenchis patet. [...] Partes Tres

Impedimenta

Bellecius, Aloysius

Ratisbonae [u.a.], 1755

§.I. Ejus malitia.

Nutzungsbedingungen

urn:nbn:de:hbz:466:1-55524

cula non ultimum sibi locum hæc segnities meritò vendicet. Ejus ergo fugam ut efficaciùs persuadeam, I. illius malitiam, II. vilitatem, III. damna oculos breviter ponam; probando, eam esse peccatum, & quidem turpe, valdeque noxium.

§. I.

Est Peccatum.

I. Probatur id à pari. PRimum quod attinet, in primis hæc in surgendo pigritia est pia culum inter minora non minimum. Constat id luculenter inducto à pari argumento. Nam auctore Augustino, cui gemina Ecclesiæ lumina (b) suffragantur, quoties aliquis in cibo & potu plus accipit, quam necesse sit, ad minutâ peccata pertinere noverit. (c) Ergo etiam quoties aliquis somno amplius tribuit, quam corporis habitudo postulat, levi errato se obstringet.

Si

(b) S. Gregor. M. lib. 30. Mor. c. 7. S. Thom. 2. 2. q. 148. a. 1. & 4. (c) Aug. Tom. 10. Serm. 4. in die animarum,

Si enim Angelico Doctori manifestum est, *inordinatum edendi appetitum esse peccatum*; (d) qua prærogativa minus ordinata dormiendi appetentia à simili culpa eximetur? præsertim cùm par utrinque militet ratio. Nam secundūm Aquinatem *omnia delectabilia*, quæ in usum hominis veniunt, ordinantur ad aliquam hujus vitæ necessitatem, sicut ad finem. (e) Nota, *omnia delectabilia*: ergo etiam somnus. Ergo ordo & finis à natura institutus exigit, ut is solùm admittatur propter necessitudinem. *Necessitas enim hujus vitæ* (verba sunt S. Thomæ) *est regula delectabilium*, quæ vult, ut præcisè tantum eis utamur, quantum *necessitas hujus vitæ* requirit. (f) Igitur qui neglecta hac regula tamen ultra quam necesse sit, sopori indulget, finem naturæ & ordinem pervertit: contra legem rationis agit; proinde peccat.

Dein comedere, & bibere ob solam voluptatem etiam moderatè, est levior offen-

(d) Loc. suprà cit. (e) 2. 2. Q. 141, a. 6.

(f) Ibidem,

offensa DEI, ut fusè & doctè probat Cardenas, commentando in propositionem VIII. ab Innocentio XI. damnatam; (g) ubi ostendit, solum hoc membrum, reliquis etiam omissis, fuisse motivum sufficiens, illam thesin nigro theta notandi. Quis ergo inficias ibit, par delictum esse, diutius dormire ob solam voluptatem? Licet enim ejusmodi dormitatores suæ huic desidiæ aliud semper & aliud palliolum prætexere consueverint, tamen solam rei suavitatem unicum eis instrumentum esse, ipsa nostrî proditor conscientia clamat, ut infrâ pluribus ostendetur. Itaque quâm parum appetitus naturalis edendi, æquè parum appetitus naturalis dormiendi licet suis actibus fruitur, blandimentum inde ortum ultimò ac unicè spectando; cum ob rationum paritatem utraque assertio, utpore sub illa octava virtualliter (ut ajunt) contenta, æquali fulmine Vaticana ex arce perculsa sit, atque proscripta. Dixi: fruitur; nam somni dulcedine licet quidem uti, ad altio-

altiorem eam finem velut medium dirigendo; non tamen *frui*, in ea sola quasi in fine quiescendo. Quo sensu cuidam Epicuri alumno Seneca repusisse fertur: *tu voluptate frueris, ego utor.* (h)

II. Nec opponas, vacare noxa, audi musicam, olfacere florem, venari, ambulare ob solam delectationem his actibus propriam; adeoque nec malum fore, diutius hærere in lecto ob solam, quæ hanc inertiam comittatur, sensuum illecebram. Nam in primis etiam hanc propositionem tanquam in illa thesi octava virtualiter contentam, pariter ab Innocentio XI. damnari, mordicus contendit Cardenas, hanc suam opinionem tutans auctoritate S. Thomæ. (i) Sed demus, verum esse, quod objicitur; tamen adhuc lata inter meam & allatam positionem intercedit diversitas.

II.

*Responde-
tur oppo-
sitioni.*

Nam

(h) Seneca libro, de vita beata. (i) Differ-
tatione 3, c. 1, p. 3, q. 2, p. 37, & 38.

Nam enarratæ actiones à natura ad hunc finem sunt ordinatæ, ut animum relaxent. Unde sequitur, quod illa oblectatio, quæ in hac animi relaxatione consistit, (tanquam intentus à natura finis) ratione sui appeti possit. Contrà verò illud, ex somno uti & ex cibo proveniens, oblectamentum est institutum, ut solùm sit medium, quo alliciamur ad nostras vires per moderatum eorundem usum conservandas. Proin inverteretur ordo naturæ, si hujusmodi lenocinia directè & ratione sui quærerentur; sique in annexo eis blandimento tanquam in fine sisteretur.

Accedit, quod jucunditas ex musica resultans, ad superna mentem potius elevet, quam inde abstrahat; cum è contrario prolixior somnus brutis similes nos, totosque hebetes reddat. Unde concluditur, inter non necessarium soporem, ac relatas exercitationes ingens intervenire discrimen, & ex posteriorum honestate minimè inferri posse innocentiam prioris; adeo-

adeoque socordiam in surgendo non minus piaculum esse, ac intemperantiam in comedendo.

III. Præterea qui sponte & temerè ponit ejus generis actionem, quam idem ratione. ^{Probatur} providet turpissimis temptationibus lublicam occasionem præbituram, peccat. Ita pronunciant communis assensu omnia Theologorum subsellia. Jam verò talia stragulorum mancipia per suam hanc præcipuè insomnem in toro moram studiosè dant ansam variis imaginibus, & quidem fœdissimis, periculosisimis; idque tristi experientia docti optimè norunt. Ergo peccant; saltem si sit periculum consensus; & quidem lethalem in modum, si illud omnino proximum existat; leviter verò, si minus propinquum id sit.

Denique contumax hæc & lenocinans in strato pigritia est causa deliberatè & quidem præter jus & fas temerariè volita effectus leviter mali, nempe diurni illius temporis, qui præcipu-

cipuas, imò omnes totius diei functio-
nes vitiat, destruit, pessundat. Ergo
etiam illa ejusdem malitiæ rea erit.
Cuicunque ergo DEUS est cordi,
ejusque offensa horrori; quicunque
ea credit, quæ de malignitate, effe-
ctibus & pœnis peccati venialis in
prima commentatione perpendimus,
is toto cordis affectu malitiosam hanc
in surgendo socordiam fugiat, & de-
testetur.

§. II.

Est peccatum vile.

I. **N**ec minor hujus ignaviæ vilitas
Tales sunt
aliis ladi-
brio. est. Nam ejusmodi Endymio-
nes & lucifugæ talpæ à suis modera-
toribus propterea acriter reprehendun-
tur, ab æqualibus non sine sarcasmis
carpuntur, ab inferioribus non raro
in faciem vilipenduntur, & ab ipso
tandem dœmone, quod rei caput est,
turpiter ludificantur; utpote qui sin-
gularem quandam in illorum phan-
tasiam, humores & caput potestatem

exer-